



# Gwarchod plant

## Beth yw gwarchodwr plant?

Mae gwarchodwr plant yn gofalu am un plentyn neu fwy sydd dan 12 oed mewn lleoliad domestig nad yw'n gartref i'r plentyn am dâl am gyfnod o fwy na dwy awr y dydd.

Maent yn gyffredinol yn hunan gyflogedig ac yn rhedeg eu busnes eu hunain ac felly maent yn rheoli pa mor aml a phryd maent yn gweithio. Mae'n angenrheidiol cael yswiriant yn ei le.

Rhaid i warchodwyr plant fod wedi'u cofrestru gyda AGC (Arolygaeth Gofal Cymru) i sicrhau eu bod yn gallu darparu amgylchedd diogel a symbylgar i blant yn eu gofal. Rhaid iddynt gadw at yr Isafswm Safonau Cenedlaethol a chael eu harchwilio'n rheolaidd.

\*Mae'n anghyfreithlon i ofalu am blant am dâl o unrhyw fath (boed arian neu werth yr arian) os nad ydych wedi eich cofrestru.

## Cysylltiadau a gwybodaeth

PACEY Cymru  
Joanne Morris  
07734 734124  
[www.pacey.org.uk/partnerships/pacey-in-wales/](http://www.pacey.org.uk/partnerships/pacey-in-wales/)

AGC  
0300 7900 126  
<https://careinspectorate.wales/register-become-child-minder>

Tîm Addysg Blynyddoedd  
Cynnar a Datblygiad Gofal  
Plant  
01492 577862  
[hyfforddiantPDBC@conwy.gov.uk](mailto:hyfforddiantPDBC@conwy.gov.uk)

Gwasanaeth Gwybodaeth i  
Deuluoedd Conwy  
01492 577850  
[plant.children@conwy.gov.uk](mailto:plant.children@conwy.gov.uk)

Gwybodaeth ar faterion  
ariannol

[www.hmrc.gov.uk/courses/syob3/cm/HTML/cm\\_menu.html](http://www.hmrc.gov.uk/courses/syob3/cm/HTML/cm_menu.html)

Gwybodaeth ar archwiliadau  
GDG:

[www.gov.uk/disclosure-barring-service-check/overview](http://www.gov.uk/disclosure-barring-service-check/overview)

Gwybodaeth ar ddiogelwch  
bwyd:

[www.food.gov.uk/business-industry/caterers/sfbb/sfbbchildminders](http://www.food.gov.uk/business-industry/caterers/sfbb/sfbbchildminders)

## Beth sydd angen i mi ei wneud?

Er mwyn bodloni AGC eich bod yn ymgeisydd addas i ofalu am blant dan 12 oed:

- ◇ mae'n rhaid i chi ddangos fod gennych yr wybodaeth a'r adnoddau sydd eu hangen i ddarparu gwasanaeth o ansawdd da. Bydd angen i chi basio cwrs IHC/PCP (Cyflwyniad i Ofal Plant yn y Cartref/Paratoi ar gyfer Ymafrer ym Maes Gwarchod Plant) a chwrs cymorth cyntaf paediatrig 12 awr cyn cofrestru, a chyn gynted ag y bo modd, cwrs diogelu a chwrs lefel 2 mewn diogelwch bwyd. Efallai y bydd angen cymhwyster pellach os ydych yn edrych ar ôl plant 8 - 12 oed.
- ◇ mae'n rhaid i chi ac unrhyw un arall dros 16 oed sy'n byw ar y safle gael archwiliad gan y Gwasanaeth Datgelu a Gwahardd (BCT yn flaenorol).
- ◇ mae'n rhaid i chi ddangos bod y lle rydych yn bwriadu gofalu am y plant yn addas a diogel. Os yw'r lle'ty'n cael ei rentu, bydd angen i chi ddarparu llythyr gan eich perchennog yn rhoi caniatâd i chi i ddefnyddio'r adeilad i'r perwyl hwn.
- ◇ ei bod yn ymddangos i AGC bod holl anghenion Rheoliadau Gwarchod Plant a Gofal Dydd (Cymru) 2010 a Gorchymyn Rheoliadau Gwarchod Plant a Gofal Dydd 2016 yn cael eu bodloni ac yn debygol o gael eu bodloni.
- ◇ Ni ddylech chi nac unrhyw un arall sy'n byw neu weithio yn yr un tŷ fod wedi eich gwahardd rhag cael ei gofrestru'n flaenorol.

## Faint o blant y gallaf eu gwarchod?

Dywed Isafswm Safonau Cenedlaethol i Warchodwyr Plant yng Nghymru na all gwarchodwyr plant ofalu am fwy na 10 o blant dan 12 oed. Bydd hyn yn ddibynnol ar faint yr adeilad.

O'r deg plentyn, ni all mwy na chwe phlentyn fod o dan 8 oed.

O'r chwe phlentyn, ni all mwy na thri phlentyn fod o dan 5 oed.

O'r tri phlentyn, fel arfer ni all mwy na dau blentyn fel arfer fod o dan 18 mis, er y gall eithriadau gael eu gwneud ar gyfer brodyr a chwiorydd.

Ni ddylai unrhyw ofal a ddarparwyd i blant 12 - 14 oed effeithio er gwaeth ar y gofal mae plant dan 12 oed yn ei gael.

Y graddfeydd, gan gynnwys plant y gwarchodwr plant, ac unrhyw blant eraill mae ef/hi yn gyfrifol amdanynt sydd yn yr adeilad.

## Nid oes angen i chi gofrestru os:

- ◇ ydych yn rhiant, gofalwr maeth neu berthynas i'r plentyn.
- ◇ nad yw cyfanswm y cyfnod gofal mewn diwrnod yn fwy na 2 awr.
- ◇ os yw gofal yn cael ei ddarparu gan rywun a gyflogir yn uniongyrchol gan rieni hyd at ddau deulu (fel nani neu au pair) ac yn gofalu am blant yng nghartrefi un o'r ddau deulu.
- ◇ os yw gofal yn cael ei ddarparu o 6 p.m. ar unrhyw ddiwrnod ac yn gorffen erbyn 2 a.m. ar y diwrnod canlynol.
- ◇ os yw ffrindiau'n gofalu am blant ei gilydd ac nad oes tâl (boed arian neu werth yr arian) yn cael ei wneud am y gwasanaeth.

## Sut wyf yn cofrestru?

Cysylltwch â'r Tîm Addysg Blynyddoedd Cynnar a Datblygiad Gofal Plant yn Y Ganolfan Integredig yn Rhodfa'r Eglwys, Llandudno am wybodaeth ar y cyrsiau a'r gefnogaeth sydd ar gael.

Mae'r broses cofrestru, yn nodweddiadol, yn cymryd rhwng chwech a naw mis. Mae cyngor a chefnogaeth ar gael bob amser gan y tîm blynyddoedd cynnar a gwarchod plant.

Edrych ar yr wybodaeth ar wefan AGC a lawr lwytho'r ffurflen. Bydd angen i chi gysylltu ag amrywiol asiantaethau, megis iechyd amgylcheddol a HMRC a chael geirda, gan gynnwys un gan eich meddyg.

Unwaith y bydd y cais wedi'i gyflwyno, bydd AGC yn trefnu i ymweld â'r cartref i wneud yn siwr eich bod yn deall ac yn gallu cyfarfod y rheoliadau a chadw safonau, gwneud yn siwr bod yr adeilad yn addas a diogel, edrych a yw eich poilisiau a chynlluniau gweithredol yn addas.

